



MARO CASTEL ,

LAZET E KERORIOU ,

TOST DA VREST.

Var ton : *Catel gollet.*

E Brest, portz mor a Finister,
Ar brava demeus ar c'halter,
A veve un alchuezer mad,
Estimet cals, cals en e stad.
E vreg Sophi, fidel de goas,
De dever na vanque quet c'hoas;
Mes ar joa na padas quet pel
Evit ar priedou Castel.



Sophi, beb foar a beb marc'had ,
A gare cals ober cher vad
Gant ar guin a gant ar c'hafé,
Azrouant al lubricite
En e c'halon so antreet;
Cetu ractal ur vreg collet :
D'an honestis e sar e dor
A da bed disurs e digor.

Ar Bescont, bosser milliguet,
A dorfejou dija sammet,
A zeuas dezi mignon bras
Ac e heulie pas a pas.
Peblec'h e visent assemblees,
Quen couls e ker a var ar mès,
En davernou, er marc'hajou
Er comedи ac en dansou.

Mes e goas ertsin revoltet,
Eus ur vues quen dibordet,
E lezas gant e c'hos lampoun
Evit monnet var ar mor down.
Caret gant ar gapitenet,
Coul's a gant ar vartolodet,
E Navarin e combattas
An Turquet gant ur gourach vrás.

Pevar bloas pel, pel eus e vro,
E c'hoantaas distrei en dro,
Evit guelet e vreg ifam,
Pehini n'er merite tam;
Rac daon vuguel a so ganet
A baoue me Castel pellet.

Petra raiata an den ques?

Pebeus ran galon! pebeus mes!



Evit beuzi quer bras chagrin,

Castel a commanç eva guin.

Allas! allas! ne songe quet

Penaus mezventi so pec'het,

Pec'het bras! a noazus dan den

Peguir e ra deor col e ben

Ac e livr evel un treitour

C'horf ac ene dan adversour.



Bescont ac e haign dinatur,

E creis cauter al luxur,

A bel amser bras o virvi,

N'ouffent biquen n'em separi,

No deveus mui na feis na reis,

Occupet int a nos a deis

Evit caout ur voyen vad

Da trompa Castel, d'er Pilat.



C'huilet, butun ac ivinou

A cant al a loustoniou

A laquer dezàn en e vin

Evit en achui varsin;

Cuzet didan ul licer ven
Gaign a presant deon un daulen
Gant cals comsou spontus a drol,
Souden e deus en rentet fol.



Ractal da Guemper e casset
Gant an dud sot e renfermet;
A Bescont arc'hant a guinnic,
Evit ma vezou mouquet mic;
Mes an arc'hant a refuser,
An den a losquer dont dar guer
Cuzuliet a beb feçon
Da zivoal mad eus ar Bescont.



En pare, e vreg so pedet
Da zont da Guemper de guerc'het,
Hï na prich quet ober ur pas
Evit diguemeret e goas.
Chom a ra gant Bescont en ti,
E c'halon leun a gassoni.
Ar venjanç pintet var e zal
Gant tan a seblant sortial.



Castel, gant spont rac ar maro,
A sonch ractal quittat e vro,

Ur pas-porz en deus quemeret,

E zillat en deus despunet,

Bragou, rochet, toc ac ar rest;

Varc'hoas e cred tehal a Vrest,

Mes allas! araug ar mintin

E vo douaret er jardin.



Sophi, e merc'h, ac ar c'higuer,

Ar sort tud-ze n'int quet tener,

A seblant beza contant mad

Oc'h e velet prest da guittat.

Mes o maliç ! o crueldet !

Den n'alfe compren ar torfed

Ho deus meditet mont d'ober

Da Kerouriou tost da guer.



Eno coan vrás so préparé :

Nep sort guin so bet espernet,

Castel a loncq meur a veren,

Ac a vin rus, ac a vin guen.

Evel ma-ze dija mezo

E roer dezàn guin c'huero :

Laudanum pe guin da gousquet

Ac souden e gorf so sornet.

Ur gorden scoulmet var e c'houg,
Bescont er sammas var e c'houg
Evit monet den enterri
Corn e jardin e tal an ti.
Ebars en toul pe disquennet,
Ur guisquet ras varnàn ledet,
Peb hini timad da fical,
Da cuza buhan an tol fal.



Pel, evit guir, e chom cuzet.
An ol a cred Castel tehet.
Meur a lizer a supposer
En deus memes scrivet dar guer.
Bescont a c'hourdrous mouga mic
Piou bennâc a lavaro gric:
Evelen e vir oc'h ar brud
Da redec etoues an dud.



Mes biscoas den na vevas æs
E creis ar fallagries.
Rac bepret evit an dud fal
Ul lam a prepar ul lam al.
Evit beva libr er pec'het
Bescont a reve daou dorfed,

Da laza prompt e vreg Mari
Goude de rosta gant e zi.



E verc'h, evit beza diboel
Di mam bepret a so fidel;
Evit ma vev e ti e zad
I mam ato a gar erfad;
E helen a ra dre drues
E songer berrat e bues,
Ac e zeus nosvet assignet
Evit ober ur sort torfed.



Di mam e cont maro Castel,
I mam a cont da vreg Pinel,
Bescont touchant so denoncet
Ac e grimou anavezet
Livret e da vrec'h ar justiç
E dorfejou so clasquet piç.
Merc'h a greg dibordet Castel
N'int quet iveau espernet guel.



Castel goloet gant ras cris
En douar abaoue c'huec'h mis
So cavet erfin gant cals drong
Ar gorden ato var e c'houg,

An toul so don bras, pri ha mein
So bernet dezàn var e guein.
Eus an douar tennet ractal
E ze douguet d'an hospital.



Guenver diveza just ur bloas
Goude me gret an torfed bras,
Ar vuntrerien a so barnet:
Merc'h Castel da veza dalc'het
Epad dec vloas en ur prison,
E mam ac e mignon Bescont
Da veza ho daou dibennet,
Gant Doue ra vezint pardonnet.



Muntrerien, a tud a heurtet,
Laeron ac ol friponnet,
N'esperit quet gallout cuza
An drouc a raffot do nessa;
Justiç bepret e deus e zro;
Rac pic pe vran a vel ato.
Songit eta e quemense
A n'en ancouezit morse.

F. LE JOLLEC.

Ouz Quemper.

“ E Quemper, e ty E. BLOT, mab.